

Ո Ր Ո Շ ՈՒ Մ N 273/6

/վարչական տույժ նշանակելու մասին/

«19» նոյեմբերի 2021թ.

ք. Վանաձոր

Հայաստանի Հանրապետության պետական եկամուտների կոմիտեի Արևելյան մաքսատուն-վարչության պետի ժ/պ Գոռ Բակլաջյան, ուսումնասիրելով Մելիկ Թորոսյանի /անձն. 15BA63608, քաղաքացիություն՝ Վրաստանի Հանրապետություն/ կողմից մաքսային կանոնների խախտում կատարելու վերաբերյալ նյութերը

Պ Ա Ր Զ Ե Յ Ի

Վրաստանի Հանրապետության քաղաքացի Մելիկ Թորոսյանի անվամբ 16.01.2020 թվականին թիվ 05100034/160120/0000621390 մաքսային մուտքի օրդերով «Ժամանակավոր ներմուծում» մաքսային ընթացակարգով՝ մինչև 15.01.2021թ. վերջնաժամկետով, ՀՀ տարածք է ներմուծվել MITSUBISHI MONTERO մակնիշի, ME999LS հաշվառման համարանիշի, 1999 թվականի արտադրության տրանսպորտային միջոցը:

ԵՏՀ խորհրդի 29.04.2020թ. № 47 և նույն որոշման երկու փոփոխությունների՝ 11.09.2020թ. № 79 և 05.04.2021թ. № 25 որոշումների համաձայն՝ երրորդ երկրներից ԵՏՀ տարածք ժամանակավորապես ներմուծված անձնական օգտագործման տրանսպորտային միջոցների ժամանակավոր ներմուծման ժամկետը երկարաձգվել է մինչև 2021 թվականի սեպտեմբերի 30-ը, հակառակ պարագայում օրենսդրությամբ ամրագրված պարտավորության չկատարելը հանգեցնում է օրենսդրությամբ սահմանված պատասխանատվության:

01.10.2021 թվականին հարցում է կատարվել ՀՀ ՊԵԿ Ներքին անվտանգության վարչություն՝ վերը նշված տրանսպորտային միջոցի սահմանահատումների վերաբերյալ տեղեկատվություն ստանալու և կողմին հայտնաբերման նպատակով, որին ի պատասխան ստացվել են համապատասխան սահմանահատումների պատմությունը և սահմանահատման տւյալները:

Վարչական մարմինն արձանագրում է, որ վարչական վարույթի շրջանակներում հարցումներ են կատարվել նաև ՀՀ ՊԵԿ աշխատակազմի մաքսատուն-վարչություններ՝ նշված ավտոտրանսպորտային միջոցի ձևակերպված լինելու, ինչպես նաև ՀՀ ոստիկանության «Ճանապարհային ոստիկանություն» ծառայություն՝ նշված տրանսպորտային միջոցի նկատմամբ հնարավոր կատարված գործարքների վերաբերյալ տեղեկատվություն ստանալու նպատակով, որոնց ի պատասխան ստացվել են համապատասխան հարցման պատասխանները:

Ներկայացված նյութերի ուսումնասիրության արդյունքում պարզվել է, որ ՀՀ տարածք ներմուծված MITSUBISHI MONTERO մակնիշի, ME999LS հաշվառման համարանիշի

տրանսպորտային միջոցը Գոգավան-Պրիվոլնոյե մաքսային կետ-բաժնով ՀՀ է ներմուծվել Վրաստանի Հանրապետության քաղաքացի Մելսիկ Թորոսյանի կողմից 16.01.2020 թվականին և հետագա արտահանման պարտավորությունը չի կատարվել, մաքսատու-վարչություններում որևէ մաքսային ընթացակարգով ձևակերպում չի ստացել, նշված ավտոմոբիլի գրանցման, հաշվառման գործարքների վերաբերյալ տվյալներ չկան:

ՀՀ մաքսային օրենսգրքի 189-րդ հոդվածի 1-ին մասի համաձայն՝

մաքսային կանոնների խախտում է համարվում անձի կողմից կատարված անօրինական գործողությունը կամ անգործությունն, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին աույնվող ՀՀ միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

ՀՀ մաքսային օրենսգրքի 199-րդ հոդվածի 1-ին մասի համաձայն՝

հետագա արտահանման պարտավորությամբ Հայաստանի Հանրապետություն ներմուծված ապրանքները և տրանսպորտային միջոցները սահմանված ժամկետում չարտահանելը կամ հետագա ներմուծման պարտավորությամբ արտահանված ապրանքները և տրանսպորտային միջոցները սահմանված ժամկետում Հայաստանի Հանրապետություն չներմուծելը՝

առաջացնում է տուգանքի նշանակում՝ խախտման օրվա դրությամբ այդ ապրանքների և տրանսպորտային միջոցների համար «ներմուծում՝ ազատ շրջանառության համար» մաքսային ռեժիմով նախատեսված մաքսային վճարների մեծության 50 տոկոսի չափով, բայց ոչ պակաս, քան 50 հազար դրամ:

Գոգավան-Պրիվոլնոյե մաքսային-կետ բաժնի ավագ մ/տ իրավաբանի կողմից 04.10.2021թ-ին Մելսիկ Թորոսյանի նկատմամբ Լազմվել է մաքսային կանոնների խախտման վերաբերյալ արձանագրությունը՝ ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտման հատկանիշներով:

«Եվրասիական Տնտեսական Միության մաքսային օրենսգրքի 264-րդ հոդվածի 1-ին և 5-րդ մասերի համաձայն՝

օտարերկրյա ֆիզիկական անձանց կողմից՝ Միության անդամ չհանդիսացող պետությունում գրանցված անձնական օգտագործման տրանսպորտային միջոցների ժամանակավոր ներմուծումը Միության մաքսային տարածք թույլատրվում է ոչ ավելի, քան 1 տարի ժամկետով:

Ժամանակավոր ներմուծված անձնական օգտագործման տրանսպորտային միջոցները, մինչև այն ժամկետի լրանալը, որի ընթացքում այդ տրանսպորտային միջոցները կարող են ժամանակավոր գտնվել Միության մաքսային տարածքում, Միության մաքսային տարածքից արտահանման, ազատ շրջանառության համար բացթողման կամ սույն հոդվածին համապատասխան այլ նպատակներով ենթակա են մաքսային հայտարարագրման»:

Վարչական վարույթի շրջանակներում կողմը ճանուցվելով գործի քննության մասին, վարույթն իրականացնող մարմնին ներկայացուցիչ Լ. Առաքելյանի միջոցով դիմում է ներկայացրել՝ խնդրելով կասեցնել և հետաձգել 04.10.2021թ. կազմված արձանագրության հիման վրա քննվող մաքսային կանոնների խախտման վերաբերյալ գործի քննությունը՝ մինչև ՎԴ/4556/05/21 վարչական գործով օրինական ուժի մեջ մտած դատական ակտի առկայությունը:

Վարչական իրավախախտումների վերաբերյալ ՀՀ օրենսգրքի 32-րդ հոդվածի երկրորդ պարբերության համաձայն՝

տույժ նշանակելիս հաշվի են առնվում կատարած իրավախախտման բնույթը, խախտողի անձը, նրա մեղքի աստիճանը, գույքային դրությունը պատասխանատվությունը մեղմացնող և ծանրացնող հանգամանքները:

Օրենսգրքի 279-րդ հոդվածի համաձայն՝

վարչական իրավախախտման վերաբերյալ գործը քննելիս /պաշտոնատար անձը/ պարտավոր է պարզել՝ կատարվել է, արդյոք, վարչական իրավախախտում, արդյոք տվյալ անձը մեղավոր է այն կատարելու մեջ, արդյոք, նա ենթակա է վարչական պատասխանատվության. կան արդյոք պատասխանատվությունը մեղմացնող և ծանրացնող հանգամանքներ:

Վարչական մարմինը Մ. Թորոսյանի ներկայացուցչի կողմից ներկայացված դիմումի և կից նյութերի ուսումնասիրությամբ պատասխան գրությամբ տվել է պարզաբանում, հայտնելով, որ բացակայում է կապը թիվ ՎԴ/4556/05/21 վարչական գործի շրջանակներում վիճարկվող որոշման և ԱՄՎ Գոգավան-Պրիվոլնոյե մաքսային կետ-բաժնում հարուցված գործի նյութերի, այն է՝ 04.10.2021թ. մաքսային կանոնների խախտման վերաբերյալ արձանագրության կազմման և գործի քննության միջև, նաև չի նշվել այն կապը, չեն հիմնավորվել այն իրավահարաբերությունները կամ փաստերը, որոնք քննվող գործի համար կարող են ունենալ իրավաբանական նշանակություն՝ դրանով իսկ ցույց տալով գործի քննության անհնարինությունը, հետևաբար նշված դիմումը մերժվել է:

Վարչական իրավախախտումների վերաբերյալ ՀՀ օրենսգրքի 245-րդ հոդվածի համաձայն՝ վարչական իրավախախտումների վերաբերյալ գործերի վարույթի խնդիրներն են՝ յուրաքանչյուր գործի հանգամանքները ժամայնակին, համակողմանիորեն, լրիվ և օբյեկտիվորեն պարզելը, գործը օրենսդրությանը ճիշտ համապատասխան լուծելը (...):

Ըստ ՀՀ ՊԵԿ Արևելյան մաքսատուն-վարչության ՄԳ բաժնի ավագ մաքսային տեսուչի պատասխան-գրության՝ Մելսիկ Թորոսյանի անվամբ ՀՀ ներմուծված տրանսպորտային միջոցի համար ազատ շրջանառության համար բաց բեռնելու դեպքում կառաջանային հետևյալ մաքսային վճարները. միասնական մաքսատուրք՝ 7,930,485 դրամ և բնապահպանական վճար՝ 304,858 դրամ:

Այսպիսով, վարույթի նյութերով հիմնավորում է, որ Վրաստանի Հանրապետության քաղաքացի Մելսիկ Թորոսյանը սահմանված ժամկետում չի վերաարտահանել ժամանակավոր ՀՀ ներմուծված MITSUBISHI MONTERO մակնիշի, ME999LS հաշվառման համարանիշի ավտոմեքենան՝ թույլ տալով ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտում:

Վերոնշյալի հաշվառմամբ, գործով ձեռքբերված ապացույցների հետազոտությունից վարչական մարմինը գալիս է այն եզրահանգման, որ սույն դեպքում առկա է մաքսային կանոնների խախտման հանգամանքը, ուստի, հիմք ընդունելով վերոգրյալը և ղեկավարվելով Վարչարարության հիմունքների և վարչական վարույթի մասին ՀՀ օրենքի 3-րդ և ՀՀ մաքսային օրենսգրքի 221-րդ հոդվածներով

Ո Ր Ո Շ Ե Ց Ի

1. Քաղաքացի Մելսիկ Թորոսյանին ՀՀ մաքսային օրենսգրքի 199-րդ հոդվածի 1-ին մասով սահմանված կարգով տուգանել իրավախախտման անմիջական օբյեկտ հանդիսացող ավտոմեքենայի նկատմամբ «բացթողնում ներքին սպառման համար» մաքսային ընթացակարգով, մաքսային վճարների մեծությամբ 50%-ի չափով, այսինքն՝ 4,117,671 /չորս միլիոն հարյուր տասնյոթ հազար վեց հարյուր յոթանասունմեկ/ ՀՀ դրամ վարչական տուգանք (վճարման ենթակա գումար):
2. Որոշումը կայացնելուց հետո՝ եռօրյա ժամկետում, դրա օրինակը հանձնել Մելսիկ Թորոսյանին:
3. Պարզաբանել, որ ՀՀ մաքսային օրենսգրքի 221-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և համաձայն ՀՀ ՄՕ 222-րդ հոդվածի 2-րդ մասի որոշումը կարող է բողոքարկվել վերադաս մաքսային մարմին (պաշտոնատար անձին) կայացնելուց հետո՝ 10 օրվա ընթացքում կամ ՀՀ վարչական դատարան՝ ՀՀ վարչական դատավարության օրենսգրքով սահմանված կարգով՝ երկամսյա ժամկետում:

Սույն որոշմամբ նշանակված տուգանքի վճարման հաշվեհամարն է՝ 900005024055 /ՀՀ պետական բյուջե, կենտրոնական գանձապետարան, Արևելյան մաքսառ ուն-վարչություն, ԿՈԴ 29/:

ԱՐԵՎԵԼՅԱՆ ՄԱՔՍԱՏՈՒՆ-

ՎԱՐՉՈՒՐԵՅԱՆ ՊԵՏԻ Ժ/Պ

ԳՈՌ ԲԱՎԼԱԶՅԱՆ